

93



জাকসু নির্বাচন সম্পন্ন
(বিশ্ববিদ্যালয় সংবাদদাতা)
শান্তিপূর্ণ পরিবেশে ও নজীর বিহীন নিরাপত্তার মধ্য দিয়ে জাহাঙ্গীরনগর বিশ্ববিদ্যালয়ের ছাত্রছাত্রীরা গতকাল জাকসু ও ৬টি হল সংসদে তাদের প্রতিনিধি মনোনয়নের জন্য ভোট দিয়েছেন।

জাকসু নির্বাচন
(প্রথম পাতা পর)
সন্ধ্যায় বিশ্ববিদ্যালয় কলাভবনে ভোট গণনা শুরু হয়। রাতে এ রিপোর্ট লেখা পর্যন্ত কোন অপ্রীতিকর ঘটনার খবর পাওয়া যায়নি। তবে ভোট দেয়ার পর বেশিরভাগ ছাত্রছাত্রী ক্যাম্পাসে আসে।
মোট ২২শ ৫ জন ভোটারের মধ্যে ১৯শ ১৮ জন ভোট দেন। প্রদত্ত ভোটের হার ৮৬ দশমিক ৮৯ শতাংশ। এবার নির্বাচনে মীর মোশাররফ হোসেন হলে সবচেয়ে বেশি ভোট পড়েছে। সবচেয়ে কম ভোট পড়েছে ছাত্রীদের হল দুটিতে।
ডাইম চ্যান্সেলর প্রফেসর কাজী সাঈদ আহমেদ সম্মুখভাবে নির্বাচন সম্পন্ন করতে সহযোগিতা দেয়ার জন্য সর্শিফট সকলকে ধন্যবাদ জানিয়েছেন।
এম এইচ হলে ৫৮০ ভোটারের মধ্যে ৫০৮টি ভোট পড়েছে। এ হলে প্রদত্ত ভোটের হার ৮৮ দশমিক ৬৫ শতাংশ। ছাত্রীদের নওয়ার ফয়জুনেনসা হলের ৩৩৬ জন ভোটারের মধ্যে ২৫৭ জন ভোট দেন।
আট বছর পর অনুষ্ঠিত এবারের জাকসু নির্বাচনে মোট ১৬টি পদের জন্য ১৪৯ জন প্রার্থী প্রতিদ্বন্দ্বিতা করেন। ৬টি হল সংসদে মোট ৭৮টি পদে প্রতিদ্বন্দ্বিতা করেন ৩১৬ জন। নির্বাচনে চারটি প্যান্ডেল অংশ নেয়।
জাকসু নির্বাচনে এবার কঠোর নিরাপত্তার ব্যবস্থা করা হয়। ক্যাম্পাস এলাকায় গতকাল নির্বাচনের দিনে মোতায়েনা ছিল দেড় হাজার পুলিশ। গতকাল দুপুরে ডাকসুর ভিপি সুলতান মোহাম্মদ মনসুর ও জিএস মুনতাক হোসেন ক্যাম্পাসে প্রবেশ করতে চাইলে মীর মোশাররফ হোসেন হল গেটে পুলিশ তাদের বাধা দেয়। চক্রে না পেরে তারা ঢাকায় ফিরে যান।
গতকাল ভোটগণনা শেষে কড়া পুলিশ প্রহরায় ৬টি হল থেকে ব্যালট বক্স কলাভবনে নিয়ে যাওয়া হয়। সন্ধ্যা ছটার ভোট গণনা শুরু হয়। ১৮টি টেবিলে শিক্ষক ও অফিসার মিলিয়ে ১০০ জন ভোট গণনা করেন।
বিশ্ববিদ্যালয় ছুটি ঘোষণা জাহাঙ্গীরনগর বিশ্ববিদ্যালয় গতকাল দিনের জন্য ছুটি ঘোষণা করা হয়েছে। আগামী শনিবারে বিশ্ববিদ্যালয়ের ক্লাসসমূহ পুনরায় শুরু হবে।
বিশ্ববিদ্যালয় প্রশাসন জানান: ক্যাম্পাসে পুলিশ প্রহরা থাকবে। গতকাল রাত দুটা পর্যন্ত জাকসু নির্বাচনের ফল ঘোষণা করা হয়েছে।